




गोंडियन दस्तुर ते गिरिदा तंग पाटंग पीटोंग मंतंग । पीटोंग बचोक अन बचोक मंतंग । इद पीटो ते पिट्टेना राजल पंड्स हूजड़ ते मंदन्ना तुन सीना कीले आता । इद पीटो ते कांयकेर बूम ते मंदानंग पिट्टेना वड़कना तुन हूड्स अवेहना बारे ते वेहले आता । अपे कुरवना कमेक, हूजड़ते मंदन्ना तुन सप्पो हुडुलंग—बरहंग पिट्टेंग बिचार कियायतंग ।

इद पाट ते करियकाटः—गोंडी तंग पुन्वंग आदोह टप्पिना अकल, गोयुर—गोयुर तंग कियाना गियान, वड़कना अन गिरिदा आयना तुन करियकाट ।

मेंडकी डोडा हेरे उंद मट्टा मंद । अद मट्टा ते आनी बानी तंग जानवोर्क अन पिट्टेंग मीले मास मन्दुग । मेंडकी डोडता एर उंजोर जिये मांदुंग । उन्द बेरा पिर वायो आत डोडा तो वेतीत् । बेहरंग—बेहरंग पिट्टेंग तो लेक तह एर उंज वान्दुंग । मति हुडिला काजेर अन पिट्टे पुरूड़ तुन एर पुट्टो । एर उंडा वस्लेता मारे सप्पय हुडिला काजेर, पिट्टे पुरूड़ करले मांद । अच्छोय बेहंग जानवोर्क अन पिट्टे पुरूड़ बिचार कीतुंग । इगा तो उंडन्ना एर गल्ला हिल्ले । माकुन इद कोट्टुम तुन तास एर मिडिहला बदे दुसरा डेरा ते हंदा लागर ।

इदम बिचार कीस सप्पो पिट्टेंग तिके परियसोर हन्दुंग । परियसोर—परियसोर गीद्ल पिट्टे एर ओहतरा अद डोडा ता परोय सात धार आंद । सप्पय



पिट्टेनुंग अगय रेयला इत । सप्पय पिटेंग सात धार ते रेयतुंग । अग्गा जलारंग एर मंद । सप्पय पिट्टेंग एर उंज अग्गा गूडंग पंड्स मंदला मूड़ कीतुंग । डेरा पंडले परेक सपय पिट्टेंग बिचार कीतुंग कि मावा उंद मूड़यल (राजाल) आयना कच्चित आंद । अच्चोय पिट्टेंग बुमकाल उंदितुंग । बुमकाल ते मूड़ियल बन्ने मायला सप्पय पिट्टेना सूल पूचे मातुंग । रवनल इत— नन्ना कुबैय परिययतोना अन लेकतंग जिनिस कुन हूडू परियतोना । नाना मुकुर अन हिडाकटोडलेंग—होडलेंग आइंग । निम्मट नाकुन पिट्टेना राजाल पंडाट । हच्चड़ अन मलहुड़ियल गला रवनन राजाल पंडला जोंग आतुंग । रवनदा पोल्लो केंच करवल इत— बेहरा आतेक बाता आन्ता । नाकुन राजल पंडाट । बाता कि नन्ना हुसियार आंदन ।



पारेवा इत— निम्माट राजाल बने मायकोम इंतोरीट, मति निम्माट रंडोजन नतुर
तिनवलोरिट आंदिट । निम्माट बस्के—बस्केतो आपुना सगातंग पिट्टेनुंग गला तितोरिट ।
नन्ना कल गोटिंग तिन्तोना अन कमेक मन्तोना । नन्ना राजल बने मायला पर्रतोना । नाकुन
राजाल पंडट । उन्द कोटुंज ते उद्स मल्ल सपोय पिट्टेना पोल्लो तुन केंज्द । अद
केयों—केयों इंजोर सप्पाय पिट्टेना नडुम हंज इतू— निम्माट पल्ला पल्लय वहचड़
किययतोरिट । निम्माट बोरे राजाल बने मायला पर्रवीट । नावा तोकार्र तुन हूडाट
वल्लंग—वल्लंग मिड़कोंग मंतांग । नन्ना सप्पय पिट्टेन्क्ले सोबा मन्तोना । नन्ना राजाल
बन्ने मायका । इदमे सप्पो पिट्टेरा राजाल बन्ने मायला आपुह—आपुह वहच्दुंग । अच्चोय सेका
टीरल, पिट्टे, पुर्रड़, टेहरल, ऊत सप्पय हुडिलंग पिट्टेरा सुमित आतुंग, इदेक इव
बेहरंग—बेहरंग पिट्टेरा वहचाड़ आयतंग । इव राजाल बन्ने मातेक माकुन तो आयो, मति
मावा सप्पय जनकुन रेक—डेक कियाला पर्रोंग । माट हुडिलंग—हुडिलंग पिट्टेरा मीलेमास
सुमित केवीट मावा राजाल बोरे आयला पर्रयतोर ।

टीरल पिट्टे इत — कुरवल बस्केय गल्ला कमेक मन्ता अन बोनय संग वहचड़
 बूतो ते मन्नो । कुरुवल मावा सप्पो मुल्ल तुन मुल्ले गला केपयता । नावा बिचरते कुरवान
 राजाल पंडिट । सप्पय हुडिलंग पिट्टेंग टीरल पिट्टेता पोल्लोते सुमित आतुंग अन
 सल्लाते गिर्रदा आस कुरवान राजाल पंडतुंग । अद्दे दियातह सप्पय पिट्टेंग कुरवन
 राजाल माने मायतंग । अदेनका पिट्टेंग, कुरवल बगा मन्ता अगा—अगा चींव—चांव कीसोर
 पेर्रेक—पेर्रेक दायतंग । अगडहे कुरवन मानेय गला राज कुरवाल इंतोर ।

पड़हे कियहना ओड़ डगुर :- गुरुजी पीटोतुन नेहना नेहना लेंग ते हड्डक्ले पड़हे
 कीस पीलानुंग केवहीस, केंजला इनदान्नुर । अन पेर्रेक पीलांग किंच् इंदान्नुंग । अन पड़हे
 कियानुंग । पाट पड़हे किया मारतेक पिट्टेना पोरोय अन अवेहना लेंगता बारे ते पीलानुंग
 वेहला इंदान्नुर । इदाम नंगे पेर दुसरोग पीटोंग केंजिहला इंदान्नुर ।

टप्पिना अरेत् —

मट्टा — रावघाट मट्टा, मेट्टा, तुलाड़ मट्टा ।

मुकुर्र — मुंदुर्र, टोड ।

पोड़वग — मुलनपेंडका ।

जानवोर्क — गोहड़—काजेर ।

जिनिस — चीज, सीज ।

वेतित — गो, एर्र इड्डक्त ।

मिड़िह्ला — पड़क्ला ।

पिट्टेपुरुड— आनिक बानिकना पिट्टेग ।

मूडयाल — मुक्याल, राजाल ।

पर्रियसोर — पोर्रो हंजोर ।

गोकर्कियना

गोकर्क जवान –

कक्षाते रंड मूंड गुंदंग आस पूचे मालेंग टप्पिनुंग पीलंग जबाब वेहनुंग । ताना पेरेंक गुरुजी गला जवान कियनूर । हुचुक जबानिंग इदम लेहका आया परंतंग ।

जवान – क. मेंडकी डोडा हेरे बाता मंद ?

ख. उंद बेरा पिर वायो अच्चोय डोडा बदम आत ?

ग. सप्पय पिट्टेंग बद वड़का पर्रियतुंग ?

घ. पर्रियसोर—पर्रियसोर रवनल बाता हूडूत ?

ङ. कुरवल पिट्टे बद हूजड़ ता मारे राजल बन्ने मात ?

इव जबानिना जबाब कोटाट् :-

जवान – क. सप्पय पिट्टेंग एर हिल्ला हूडूस बाता बिचर कीतुंग ?

ख. सप्पय पिट्टेंग उद्स मंजल बाता पंडतुंग ?

ग. सल्लाते मतेक बाता नपा आयता ?

बोद्द बदेन इदम इतुंग—

क. नावा हिड्ज अन मुकुर होडले मंता ।

ख. राजल बने मायला आयतोरिट मति निम्माट नतुर्र, हव्विंग तित्तोरीट ।

ग. कुर्रवल बस्केय गल्ला केमेक मन्ता ।

पोल्लो ता ओड़ डगुर

अकल बरस्हना — पीटोना गोचुर पुन्दन्ना अन, वड़कन्ना टप्पिनुंग पुन्दन्ना ।

कक्षा तोर रण्डो, गुंदान्नोर टप्पीना बारेते वड़काट ।

जबान — सत् जोड़िनुंग मीलह कीस कोटट् —

1. कुबेय पर्रिययतोना — कर्वल ।
2. कलगोटिंग तित्तोना — टीरल ।
3. राज कुर्रवाल — पारेवा
4. सोज ना पोल्लो वेहत — रवनाल ।
5. नन्ना हुसियार पिटटे आंदन — राजाल ।

जबान — अडीय हीलेंग हिन्दी टप्पिनुंग आपुना पोल्लो ते कोटट् ।

क. छोटी सी चिड़िया कूदते हुए कहती है ।

ख. कौआ आंखे लाल करती है ।

ग. मोर नाचते हुए कहती है ।

जबान – अडीय हीलेंग टप्पिनुंग पिस्ले डेराते निहाट ।

मट्टा, सात, धार, होड़ले ।

क. मेंडकी डोडा हेरे उन्द.....मन्द ।

ख. पर्रियसोर–पर्रियसोर रवनल उन्द डोडातुन हूड्त ।

ग. नावा हिङ्ज अन मुकुर.....मन्ता ।

